

Маркас 6 бөлг.

1. Иисус тендэс һарад төрскн балһсурн ирв. Терүнэ ард сурһульчирнь йовла.
2. Бурхна Суббот өдр ирхлэ, Иисус синагогд эклэд сурһв. Терүг соңссн эмтн икэр алң болад келцхэв: «Энүнд альдас эн ухан иржэхмб? Иим цецн уха Терүнд яһад өгджахмб? Яһж иим өвэрцс Терүнэ һарар күцэгджахмб?»
3. Эн урч эс биший? Эн Мариян көвүн, Иаковин, Иосин, Иудан болн Симона ахнь. Мана өөр Терүнэ дү күүкднь сууналм,- гиж келэд тедн Терүнд иткскн уга.
4. Иисус теднд иигж келв: «Әэлдэчиг цугтан күндлнэ. Зуг төрскн һазртнь эврэ элгн-саднь болн өрк-бүлнь әәлдәчд тоолгдхш.»
5. Иисус тенд өвэрц юм үзүлж чадскн уга. Цөөкн гемтә күн деер һаран тәвәд әдгәлэ.
6. Иисус әднә иткл уга болскнд алң болв. Тегәд Тер эргндк селәдәр йовад Байрта зәңг келэд сурһв.
7. Иисус Әврәннь арвн хойр сурһульчнран дуудад, хошадар тәвәд, хар сәкүсдиг көөж һарһдч йос өгв.
8. Иисус әднд иигж закв: « Тайгас талдан юм бичә автн: түңгрцг чигн, өдмг чигн, бүсдән мөңг чигн, сольж өмсх хувц чигн,
9. зуг кәлдән буршмг өмстн.»
10. Иисус әднд келв: « Нег күүнә герт орж авад, тер хотнас һарч йовтлан гер бичә сольтн.
11. Кемр хотна улс тадниг эс орулж авхла, тана келсиг эс соңсхла тер хотнас һарад, көлиннь тоорм-тоос сажчктн. Эн теднә гемиг медүлжахин ил темдг болх.
12. Әдн йовад, килнцтә жирһлән хайтн гиж келэд ,
13. кесг хар сәкүсиг көөж, дала гемтә улсиг тосар түркәд әдгәсмн.
14. Иисусин тускар хан Ирод соңсж, юнгад гихлэ Иисусин нерн оln эмтн дунд туурч. Зәәрмнь Энүг уснд кирслдг Иоанн Креститель әмдрәд, тегәд өвәрцс күцәгдг чидлтә болжана гиһәд келссмн.

16. Зэрмнь Энүг Илия гиж тоолж, наадкснь кезэнэ ээлдэчнрлэ эдл ээлдэч гиж келсн. Ирод цуг энүг соңсчкад ухалж: «Нанар толһаһан тээрүлсн Иоанн эмдрэд ирсн болжана.»
17. Ирод Иоанниг бэрж авад түүрмд орулж, юңгад гихлэ Иродиадас көлтэ, эврәннь ах Филлиппын герг Иродиадыг авсн.
18. Иоанн Ирод хаанд иигж келж: «Чамд ах гергнлэ бээх зөв уга.»
19. Иродиада Иоаннд ийр икэр уурлад, алхар седэд билэ, зуг чадсн уга.
20. Юңгад гихлэ Ирод Иоанниг чик седклтэ, Бурхна күүһинь медэд бээж. Ирод Иоанна келсн үгинь таасж соңсад, терүнэс соңса бээж олн керг кесн.
21. Нег дэжж Иродиадт тааста учр харһв. Ирод хаана һасн өдр болад, хан эврәннь нойдуддт, цергин ахлачнрт болн Галилеин көгшдүдт нэр кеж.
22. Иродиадын күүкн йир сээнэр тенд биилэд, хаанд болн нээрт терүнлэ бээсн улст дегэд икэр таасгдж.
23. Тегэд хан күүкнд андһарлад келж : «Ю сурнач, сурсичн өгнэв. Орн-нутгиннь өрэлинь чигн өгнэв.»
24. Күүкн һарад экэсн сурж: «Ю сурхмб?» Экнь энүнд хэрү өгв: «Уснд кирслдг Иоанна толһа сур.»
25. Күүкн шулуһар хаанур ирэд терүнд закд келв: «Уснд кирслдг Иоанна толһаһинь тэвүр деер нанд авч ир.»
26. Хан йир икэр гейүрв, зуг нээрт ирсн гиичнрин өөр келсн андһаран күцэхин тэлэ күүкнэ сурсиг өгх болв.
27. Хан ялчдан Иоанна толһа авч ир гиж закв.
28. Ялч түүрмд суусн Иоанна толһаһинь тээрэд, тэвүр деер тэвэд, күүкнд авч ирв.
29. Иоанна сурһульчнр энүнэ тускар соңсн, ирэд, цогцинь авад оршав.
30. Апостолмуд Иисусур хэрү ирэд, Терүнд цуг күцэсэн болн эмтнд дасхан келж өгв.
31. Иисус эднд келв: «Нег көдө һазрур йовад, невчк амрхм, юңгад гихлэ дала

эмтн ирлдэд-йовлдад бээв, хот чигн чөлэн уга билэ.»

32. Тегэд эдн оңицд сууһад, көдө һазрур йовцхав.

33. Тедниг оңицд сууһад йовснь эмтн үзж. Кесгнь эдниг таньж. Өөрхн бээсн балһсин эмтн ардаснь усна көвөһөр гүүһэд, теднэс түрүлж ирж.

34. Иисус оңицас һарн, дала гисн эмт үзв. Тер эднд санань зовад, эдн хөөч уга хөд мет бээхинь үзэд, теднд дала юм эклэд дасхв.

35. Дала цаг давсн хөөн, сурһульчнр Иисусур өөрдж ирэд келцхэв: «Эн эжго көдө һазр болжана, сө болж йовна.

36. Эмтиг тэвчк, өөрхн бээсн селэдэр йовад , бийдэн идх хот хулдж автха.

37. Иисус эднд иигж хэрү өгв: «Тадн эднд хот өгтн.» Тедн Терүнэс сурв: « Бидн хойр зун динарияр хот хулдж авад, эдниг цадхмб?»

38 . Зуг Иисус келв: «Йовад хэлэтн, кедү өдмг танд бээхнь?» Медэд авчкад, эдн келв: «Тавн өдмг болн хойр заһсн.»

39. Тегэд Иисус эмтиг багмудар көк ноһан деер суулһтн гив.

40. Эдн цуһар зууһадар болн тэвэдэр баглрад сууцхав.

41. Иисус тавн өдмг болн хойр заһс авв. Теңгр тал хэләһэд, Тер ханлт өргэд, әдсләд, өдмгиг хуһлад сурһульчнртан өгәд бээв, тедн эмтнд түгәһэд өгв.

42. Цуһар эмтн идәд цадв.

43. Арвн хойр зембл үлдсн өдмгәр болн заһсар дүүрв.

44. Хот идсн улсиг тоолхла, зуг залу улснь тавн миңгн күн болж һарв.

45. Тер дарунь Иисус сурһульчнртан оңицдан сууһад Вифсаид тал теңгс һатлһтн гив. Иисус бийнь эмтиг йовулхар үлдв.

46. Эмтиг йовучкад, Иисус зальврхар уул деер һарв.

47. Асхн ора болж йовхла, сурһульчнр оңицар теңгсин тал дунд күрч Иисус һанцарн эрг деер үлдсмн.

48. Сурһульчнр догшн салькнла цуг чидләрн ноолджасинь үзәд, сөөни өрәл давсн цагла Тер теңгсәр йовж йовад теднүр өөрдчкәд оңициг күцәд, давж йовхар седлә.

49. Тенгсэр йовж йовсн Иисусиг сурхульчнр үзэд, үзгдл гиж санж. Эдн аэчкэд хээкрцхэж.

50. Иисус дарунь эднлэ күүндв: « Бичэ аэтн, Энтн Бив.»

51. Иисусиг оңһцд орад суухла, салькн тогтнв.

52. Сурхульчнрнь йир икэр алң болцхав, юңгад гихлэ теднэ зүркнь хаалһата болад, өдмгин туск өвэрциг медж чадсмн уга.

53. Тенгс hatлан, эдн Геннисаретын һазрт ирж.

54. Эдн оңһцасн һархла, дарунь аэтн Иисусиг таньв.

55. Эдн эргндк бээсн болн Иисус одсн һазрмудар гүүһэд, гемтэ улсиг орта-дертәһинь авч ирв.

56. Иисус альк һазрур одвчн: селәдәр балһсдар аль хотдар цуг уульнцсдмудар дүүргәд гемтә улс авч ирдмн. Иисусин хувцна хормаднь һаран күргх зөв эрәд сурдмн. Кен һаран күргснь - тер эдгж оддмн.